

FOR 2011-03-08 nr 266: Forskrift om auke av maksimalt tillaten biomasse for løyve til akvakultur med laks, aure og regnbogeaure i Finnmark og Troms

DATO: FOR-2011-03-08-266
DEPARTEMENT: FKD (Fiskeri- og kystdepartementet)
AVD/DIR: Avd. for havbruk, sjømat og marked
PUBLISERT: I 2011 hefte 3
IKRAFTTREDELSE: 2011-03-08
SIST-ENDRET:
ENDRER: FOR-2009-10-13-1267
GJELDER FOR: Norge
HJEMMEL: LOV-2005-06-17-79-§5 , LOV-2005-06-17-79-§6 , LOV-2005-06-17-79-§7
SYS-KODE: BG14k
NÆRINGSKODE: 1302
KUNNGJORT: 15.03.2011 kl. 15.20
RETTET:
KORTTITTEL: Forskrift om auke av maksimal biomasse

INNHALD

Forskrift om auke av maksimalt tillaten biomasse for løyve til akvakultur med laks, aure og regnbogeaure i Finnmark og Troms

- § 1. Formål
 - § 2. Verkeområde
 - § 3. Kunngjering av tilbod
 - § 4. Melding og frist for å sende melding
 - § 5. Vederlag
 - § 6. Krav til sending og melding
 - § 7. Vedtak
 - § 8. Ikraftsetjing
-

Forskrift om auke av maksimalt tillaten biomasse for løyve til akvakultur med laks, aure og regnbogeaure i Finnmark og Troms

Heimel: Fastsett av Fiskeri- og kystdepartementet 8. mars 2011 med heimel i lov 17. juni 2005 nr. 79 om akvakultur (akvakulturloven) § 5, § 6 og § 7.

§ 1. Formål

Formålet med denne forskrifta er å gjennomføre ein kapasitetsauke for løyve til matfisk av laks, aure og regnbogeaure i sjøvatn i Finnmark og Troms.

§ 2. Verkeområde

Forskrifta gjeld eit tidsavgrensa høve til auke av maksimalt tillaten biomasse for løyve til matfisk av laks, aure og regnbogeaure i sjøvatn med 5 % av den maksimalt tillatne biomassen mot vederlag, i Finnmark og Troms. Høve til auke gjeld ikkje løyve til matfisk av laks, aure og regnbogeaure i sjøvatn til særlege formål.

§ 3. Kunngjering av tilbod

Tilbodet skal offentliggjera på fylkeskommunane og Fiskeridirektoratet sine internettsider minimum ein månad før fristutløp.

Fylkeskommunane skal også seinast 14 dagar før fristutløp kunngjere tilbodet i brev til innehavarar av akvakulturløyve slik dei går fram av akvakulturregisteret på dåverande tidspunkt.

§ 4. Melding og frist for å sende melding

Innehavar av løyve til matfisk av laks, aure og regnbogeaure i sjøvatn i Finnmark og Troms skal etter § 6 sende melding til fylkeskommunen i det fylket løyvet er heimhøyrande dersom han ønskjer å utvide løyvet.

Meldinga skal sendast seinast 9. mai 2011. Reglane i domstoloven § 146 og § 149 kjem til bruk så langt dei passar.

§ 5. Vederlag

For utviding etter denne forskrifta skal det betalast vederlag til staten.

For utviding av løyve med avgrensing som fastsett i laksetildelingsforskrifta § 15 er vederlaget 150 000 kroner i Finnmark og 500 000 kroner i Troms.

Vederlaget skal vere innbetalt seinast 9. mai 2011 til Fiskeridirektorat, Økonomiseksjonen, Postboks 185 Sentrum, 5804 Bergen, kontonummer 7694 05 09048, og vere merka « Vederlag 2011 – [nummer på løyve] ».

Vederlaget blir ikkje refundert ved eventuell seinare inndraging av akvakulturløyvet på bakgrunn av forhold nemnde i akvakulturloven § 9.

§ 6. Krav til sending og melding

Meldinga skal sendast per rekommandert brev. Meldinga skal merkast med: « Melding om kapasitetsauke 2011 ».

Meldinga skal skje på fastsette skjema og innehalde:

- a) kva løyve meldinga gjeld,
- b) dokumentasjon på innbetalt vederlag jamfør § 5.

§ 7. Vedtak

Fylkeskommunen i det fylket løyvet er heimehøyrande skal behandle meldinga og gjere vedtak. Fiskeridirektoratet er klageinstans.

Fylkeskommunen skal gjere positivt vedtak dersom søkjaren oppfyller krava i § 4, § 5 og § 6.

Vedtak om avvisning kan påklagast. Dersom vedtaket vert oppretthalde etter at saka er endeleg avgjort i forvaltninga, skal vederlaget refunderast.

§ 8. *Ikraftsetjing*

Denne forskrifta trer i kraft straks. Frå same tidspunkt vert forskrift 13. oktober 2009 nr. 1267 om særskilte tiltak i enkelte områder for akvakulturrelatert virksomhet, oppheva.

Databasen sist oppdatert 23. mai 2011